

**Ilinniarnertuunngorniartarneq pillugu Inatsisartut inatsisaata allanngortinnera pillugu Inatsisartut inatsisaat.**

(ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoq)

Ilinniarnertuunngorniartarneq pillugu Inatsisartut inatsisaata allanngortinneqarnissaa pillugu siunnersuut Partii Naleqqamiit imanna oqaaseqarfigissuarput:

Ilinniarnertuunngorniartarneq pillugu Inatsisartut inatsisaata nr. 13, 22. november 2011 – imeersumi kingornalu 30. maj 2014-imi allanngortinneqartup § 64, imm. 4 – p allanngortineqarneratigut ilinniarnertuunngorniartarneq pisortap (rektorip) nammineerluni ilinniartitsisunik sulisunillu atorfinitsisinissaminut soraarsitsisinnaalernissaminullu pisinnaatitaaffeqalernissaa Partii Naleqqamiit paasilluarlugu tamakkiisumik taparserparput.

Taamaattorli Meeqqat illersuisuata (MIO) tusarniaanermut naalagaaffiit Peqatigiit (FN) meeqqat pillugit Isumaqatigiissutaanni artikil 28-imi aamma 29-imi ilinniartut peqataatinneqartarnissaannik oqariartuutaa pingaaruteqartut Partii Naleqqamiit nalilerparput, naak Naalakkersuisut akissuteqaamminni oqaatigingaluaat ilinniartut aalajangiivinnissamut pisinnaatitaaffeqanngitsut.

Taamaattoq Partii Naleqqamiit isumaqarpugut ilinniartut aalajangiivinnissamut pinnaatitaaffeqanngikkaluarpataluunniit, ilinniartut sinniisaasa isumasiorneqartarnissaat nalunaarutikkulluunniit ilanngunneqartariaqartoq.

Naggataatigut aalajangersakkanut ataasiakkaanut nassuiaatini oqaatigineqartoq, tassa atorfirmut atatillugu unioqqutitsinermi pineqaatissiinissamut piginnaatitsissut aamma atuuttoq pillugu itinerusumik nassuiaasoqarnissaa Partii Naleqqamiit piumasaraarput.

Taama naatsumik oqaaseqarlu suliap aappassaanerreqannginnerani Ilinniartitaanermut, Kultureqarnermut, Ilisimatusarnermut Ilageeqarnermullu ataatsimiititaliami suliareqqissaarneqarnissaa inassutingaarput.